

2766

26

26
- 19

1889

Printed in Turkey

ԲԱՆԻ ՄԸ ԽՕՍԲԵՐ

ՆՈՐ ՏԱՐԻՈՅ ԱՌԹԻԻ

معارف عمومیہ نظارت جلیہ سنک ۱۵ جاذی الآخر ۳۰۷
و ۲۴ کانون ثانی ۳۰۵ تاریخی و ۹۹۴ نومروی
رخصتنامه سیله نشر اولمشدر

مصارفی آمریقان مسیوز شرکتی طرفندن تسویه اولندرق
طبع اولمشدر

ԿՈՍՏԱՆԴՆՈՒՊՈԼԻՍ

ՏԱԿՈՐ ՊՅՍԱՃԵԱՆ

1889

26
P. 19

1723



2 010

23408 25 4-19 5

ՔԱՆԻ ՄԸ ԽՕՍՔԵՐ

ՆՈՐ ՏԱՐԻՈՅ ԱՌԹԻԻ

Ասկէ քանի մը տարի առաջ երիտա-
սարդի մը հարկ եղաւ գիշերը ճամբորդել
երթալու համար մղոններով հեռի տեղ մը :
Ճամբան կ'անցնէր ամայի դաշտէ մը ուր
երիտասարդը կրնար շատ դիւրաւ կոր-
սընցունել իւր ուղին : Մինչ դեռ ճամբայ
ելած չէր, բարեկամ մը ցուցնելով պայ-
ծառ աստղ մը որ սկսած էր բարձրանալ
հորիզոնէն վեր , ըսաւ անոր , “ Ուղղակի
յառաջ գնա , աչքդ հաստատելով այդ աստ-
ղին վրայ , եւ բնաւ պիտի չսխալիս ” Ե-
րիտասարդը բռնեց խրատը , եւ քանի մը
ժամէն դտնուեցաւ մօտ այն տեղւոյն ուր
կը փափաքէր հասնիլ :

Նոր տարուան սկիզբը մեր երթալու
ճամբան ինձ կը թուի թէ շատ նման է այդ
երիտասարդին ճամբուն : Մենք չենք կրնար
տեսնել մեր ճամբան : Անոր վրայ դեռ ոչ ոք
կոխած է , եւ մենք ենթակայ ենք մոլորելու :



777
39

25 11 19

Բայց չնորհակալ ենք Աստուծոյ որ կայ առաջնորդող Աստղ մը : Սուրբ Գիրքն է լոյս մեզ առաջնորդող : “ Մեր ոտքերուն ճրագ է , ու մեր շաւիղներուն լոյս : ” “ Կըրնայ խնայողն ընել փրկուելու Գրիստոս Յիսուսի վրայ եղած հաւատքովը : ” Այն որ կը սեւեռէ իւր հաւատոյ աչքը այս Աստղին վրայ , չմոլորիր իւր ճամբուն մէջ : Ապահով կերպով կ’անցնի անհետ ճամբուն ամայի անապատէն : Ապահով կերպով կը հասնի հանգստաւէտ նաւահանգիստը երբ ճամբան կ’աւարտի :

Սէյլան կղզոյն մէջ Քրիստոսի մէկ ծառան որ այցելեց երկրին հեռաւոր կողմը , լսեց օտարական ծերունւոյ մը վրայ որ շատ տարբեր էր իւր միւս հայրենակիցներէն : Կը մերժէր նա երկրպագել կռուքերուն . եւ հակառակ սուտ խօսելու ունակութեան անոնց որոց մէջ կը բնակէր , ինք բնաւ չէր խօսեր սուտ : Քրիստոսի վերոյիշեալ ծառան այցելութիւն մը տուաւ ծերունւոյն : Ասկէ քառասուն տարի առաջ երբ նա կը կենար ի Քոլոմպոյ , ընդունած էր Առակաց Գիրքէն օրինակ մը : Ի բերան սորված էր զայն սկիզբէն մինչեւ վերջը . գիտէր անոր մէն մի զը-

լուխը եւ մէն մի համարը : Ի գործ կը դնէր անոր տուած պատուէրները : Սորված էր անկէ թէ Աստուած է սուրբ , արդար եւ ողորմած : Կ’աղօթէր որ Աստուած զրկէր իրեն աւելի լոյս եւ աւելի գիտութիւն : Լսուեցաւ անոր աղօթքը : Լիովին հրահանգուեցաւ Աւետարանական ճշմարտութեան մէջ , եւ քիչ ետքը մկրտուեցաւ հաւատով Որդւոյն Աստուծոյ , որ սիրեց զնա եւ իւր անձը մատնեց անոր համար :

Եթէ Հին Կտակարանի միայն մէկ գիրքին տուած լոյսն այսպէս էր , որչափ չնորհակալութեամբ պարտիմք գործածել ամբողջ ներշնչեալ Մատեանը , իւր սքանչելի պատմութեամբ Աստուծոյ սիրոյն ի Քրիստոս :

Վաղեմի հեթանոս փիլիսոփայք դարերով ջանացին գտնել մարդկային իմաստութեամբ Աստուծոյ գոյութեան եւ մարդու ճշմարիտ երջանկութեան զաղանիքը . բայց միայն սա՛ հասկեցան թէ ինչպէս թանձր էր խաւարը զոր ի գուր կ’աշխատէին փարատել : Այժմ կ’եղեն մարդիկ որ կ’ուզեն խախտել մեր հաւատքը Աստուծոյ օրհնեալ Խօսքին վրայէն , եւ հրատարակել թէ մարդկային բանականու-

թիւնն է մի միայն առաջնորդը որուն պարտիմը հետեւիլ, Բայց մարդուս բանակահութիւնն ի՛նչ բան աւելի կրնայ ընել քան որչափ ըրաւ այն մարդոց որը Քրիստոսի աշխարհ դալէն առաջ կ'ապրէին աշխարհիս խաւար օրերուն մէջ :

Առանց Աստուծոյ իջուցին անսուտ յայտնութեանը ո՞ւր կրնանք գտնել ստոյգ ծանօթութիւն հանգերձեալ վիճակի մը վրայ, Աստուծոյ ստորոգելեաց վրայ, մեղաց թողութեան վրայ, եւ որ եւ իցէ մնայուն մխիթարութեան վրայ մեր փորձութեանց եւ վշտաց ներկայ վիճակին մէջ : Բայց ձեռքդ առ Ճշմարտութեան կանթեղը, հաւատա թէ այն է նոյն իսկ կենդանի Աստուծոյ իջուցը, թէ Հոգին Սուրբ կը խօսի քեզի անոր մէջ եւ անոր միջոցաւ, եւ ահա այն ատեն պիտի լեցուիս յուսով, յառաջիկայ տարին ինչ ալ բերէ իւր հետ :

Թերեւս այս տարին բերէ քեզի զօրաւոր համոզում թէ մեղք եւ յանցանք ունիս : Թերեւս տեսնես ինչ որ տակաւին չէիր տեսած թէ ի՛նչպէս մեծ է վտանգդ եւ ո՞րչափ մօտեցած ես յաւիտեանականութեան մինչ անպատրաստ կը գտնուիս անոր : Բայց նայէ աչի Աստուծոյ : Կարգա իջու-

քը : "Ահա Աստուծոյ Գառը՝ որ աշխարհի մեղքը կը վերցունէ : " "Յիսուս Քրիստոսի արիւնը մեզ ամէն մեղքէ կը սրբէ : "

Երբ կը համոզուինք մեր մեղաւոր ըլլալուն, ճշմարիտ մխիթարութեան ճամբան է ամենէն ցած տեղը կենալ, եւ յետոյ ապաւինիլ միայն եւ բոլորովին Քրիստոսի, որ մեռաւ իբրեւ քաւութիւն մեղաց, եւ այժմ կենդանի է մեզի համար բարեխօս ըլլալու, քաջածանօթ եւ շատ անգամ կրկնուած հետեւեալ խօսքերուն ոգւովը,

Ինչպէս որ եմ, չսպասելով
Հոգիս սրբել պարապ յուսով,
Քու արիւնիդ լոկ նայելով,
Գառն Աստուծոյ, քեզի կու գամ :

Թերեւս այս տարի կրես առաջին մեծ կորուստդ : Այդ բանը կրնայ բերել քեզի իւր հետ զրեթէ անտանելի թախճութիւն եւ վհատութիւն : Թերեւս քեզի պիտի թուի թէ դուն ես անապատին մէջ միմալ կանգնած սիւն մը որոյ գէմ կը փչեն բոլոր փոթորիկները : Բայց եթէ ըստ օրինի

գործածես Աստուծոյ Խօսքը, պիտի չմնաս բոլորովին մինակ։ Աստուծոյ Խօսքը կ'ըսէ մեզի թէ մեր Վարդապետն ի՛նչպէս իւր մինակ գտնուած ժամանակը ըսաւ թէ չէր մինակ, վասն զի Հայրը անոր հետ էր։ Կը խօսի Տէրօջը ժողովուրդը չըջապատող հրեշտակներու վրայ։ Կ'ըսէ մեզի թէ Քրիստոնեան ի՛նչպէս Աստուծոյ եկեղեցւոյն մէկ անդամն է, եւ թէ բոլոր հաւատացելոց երանելի ընկերութեան մէջ կայ համակրանք եւ հաղորդակցութիւն որոյ վրայ աշխարհ բան մը չգիտեր։ Ի վերջան դամենայն, կը խօսի Էակի մը վրայ որ է իբրեւ հայր եւ մայր, եղբայր եւ քոյր, բարեկամ եւ ընկեր, պահապան եւ փրկիչ ամենէն տկարին անդամ այնպիսեաց որք կ'ապաւինին Անոր որ ըսած է, «Բնաւ քեզ պիտի չթողում, բնաւ քեզ երեսէ պիտի չձգեմ»։

Կամ թերեւս քու փորձութիւնդ առնուելիչ կերպարան մը։ Թերեւս կրես չբաւորութիւն եւ տառապանք։ Թերեւս տաքնապիս քու առողջութեանդ կամ ապրուստի միջոցներուդ մասին, կամ քու զիրքիդ ինչ ինչ փոփոխութեանց պատճառաւ։ Բայց դարձեալ, Աստուծոյ Խօսքը կու տայ

լոյս։ Կը յիշեցունէ քեզի թէ կայ դքեզ սիրող Նախախնամութիւն մը որ կը տնօրինէ քու մէն մի քայլերդ։ Եւ թէ՛ եթէ դու մի՛այն յանձնես քու ճամբադ Աստուծոյ, նա պիտի ուղղէ քու գնացքդ։

Բոլոր դժուարութեանցդ մէջ կոթնէ Աստուծոյ Խօսքին եւ վստահէ անոր նախախնամական հոգածութեան։

Բայց ո՛վ գիտէ, թերեւս այս տարի քու դուռը զարնէ վերջին թշնամին։ Բայց մինչեւ անգամ եթէ պատահի այդ, եթէ Քրիստոսի ծառայ ես, պէտք չէ որ վախնաս։ Աստուծոյ Խօսքը տակաւին պիտի օգնէ քեզի։

«Եթէ խորհէիր թէ երէկ կը մեռնէիր, պիտի վախնայիր», հարցուեցաւ երիտասարդի մը ասկէ քիչ առաջ։ Նա իւր բարձին տակէն առաւ իւր Սուրբ Գիրքը եւ պատասխանեց, «Պիտի չվախնայի մինչ զիտեմ թէ ճշմարիտ է այս գիրքը»։

Մութ ձորին մէջ Խօսքը կու տայ լոյս զուարթարար։ Կը խօսի Անոր վրայ որ կ'ըսէ, «Ես եմ Յարութիւն եւ Կեանք»։ Եւ կը կարողացունէ զմեղաւորն պատասխանել, «Թէեւ մահուան շուքի ձորին մէջ ալ պտըտիմ, չարէն պիտի չվախնամ»։

վասն զի դուն իմ հետս ես :

Այո , հոս է լոյսը զոր կու տայ Խօսքը ,
կը խօսի նա Բեթլեհեմի Աստղին վրայ :
Կը յայտնէ զՆա որ է աշխարհի Լոյսը :

Երբ հոգին կը վրդովի , երբ սիրտը կը
տխրի , երբ անձկութիւն եւ հոգ կը ճնշեն
մեր վրայ , երբ մահը մօտ է , տակաւին
Քրիստոս է ամենաբաւական :

Տէրօջը ձայնը լսեցի .

“Ես աշխարհի Լոյսն եմ .

Եկուր , գիշերդ պիտի անցնի ,

Յորեկդ փայլեցնեմ :

Եկայ , եւ ան եղաւ ինծի

Արեւ , լուսոյ շրջան ,

Եւ ան լուսով քալեմ պիտի

Մինչեւ ճամբուս վախճանն :



2766

ՀՀ Ազգային գրադարան



NL0029625

2684